

तीमुथियुस कै नाम प्रेरित पौलुस की दूसरी चिट्ठी

2 तीमुथियुस

1 पौलुस की ओड़ तै जो पणमेसर की इच्छा तै यीशु मसीह का प्रेरित सै अर जिस ताहीं यीशु मसीह म्ह जीवन पाण की प्रतिज्ञा का प्रचार करण कै खात्तर भेज्या गया सै:

2प्यारे बेट्टे तीमुथियुस कै नाम।

परम पिता पणमेसर अर म्हारे प्रभु यीशु मसीह की ओड़ तै तैरे ताहीं करुणा, अनुग्रह अर शान्ति मिलै।

धन्यवाद तथा प्रोत्साहन

3रात दिन आपणी प्रार्थनायां म्ह लगातार थारी याद करदे होए, मैं उस पणमेसर का धन्यवाद करूँ सूँ, अर उसकी सेवा अपणे बुजुर्गा की रीत कै मुताबिक शुद्ध मन तै करूँ सूँ। **4**मेरे खात्तर थमनै जो आँसू बहाये सैं, उनकी याद करके मैं थारै तै मिलण नै बेचैन सूँ, ताके आनन्द तै भर उठूँ। **5**मेरे ताहीं भरोस्सा सै के ओए बिश्वास थारै म्ह भी सै। **6**इस करके मैं तन्नै याद दुवाण लागरया सूँ के पणमेसर के बरदान की उस ज्वाला ताहीं जळाये राख जो तैरे ताहीं जद मिली थी, जिब तैरे पै मन्नै आपणा हाथ धरया था। **7**क्युँके पणमेसर नै म्हारे ताहीं जो आत्मा दी सै, ओ हमनै डरपोक कोनी बणान्दी बल्के हमनै प्रेम, संयम अर शक्ति तै भर देवे सै।

8इस करके तू म्हारे प्रभु या मेरी जो उसके खात्तर कैदी बणया होया सै, गवाही देण तै सरमावै मतना। बल्के तैरे ताहीं पणमेसर नै जो शक्ति दी सै, उसतै सुसमाचार कै खात्तर दुःख झेलण म्ह मेरा साथ दे।

9उस्से नै म्हारी रुखाळ करी सै अर पवित्र जीवन कै खात्तर म्हारे ताहीं बुलाया सै---म्हारे अपणे काम्मां कै आधार पै नीं, बल्के उसके अपणे उस मतलब अर अनुग्रह कै मुताबिक जो पणमेसर कै जरिये यीशु मसीह म्ह म्हारे ताहीं पहल्या ए पह्लडे टेम तै सौंप दिया गया सै। **10**किन्तु इब म्हारे उद्धारकर्ता यीशु मसीह के प्रगट होण कै गेल-गेल म्हारे खात्तर प्रकाशित करया गया सै। उसनै मौत का अंत कर दिया तथा जीवन अर अमरता ताहीं सुसमाचार कै जरिये प्रकाशित करया सै।

11इस्से सुसमाचार ताहीं फैलाण कै खात्तर मेरे ताहीं एक प्रचारक, प्रेरित अर शिक्षक कै रूप म्ह ठहराया गया सै। **12**अर योए कारण सै जिस तै मैं इन बाततां का दुःख उठाण लागरया सूँ। अर फेर भी शर्मिन्दा नीं सूँ क्युँके जिस पै मन्नै बिश्वास करया सै, मैं उस ताहीं जाणु सूँ अर मैं न्यू मान्नु सूँ के उसनै मेरे ताहीं जो सौँप्या सै, ओ उसकी रुखाळ करण म्ह समर्थ सै जिब लग ओ दिन आवै,

13उस उत्तम शिक्षा ताहीं जिस ताहीं तन्नै मेरे तै यीशु मसीह म्ह मिलण आळे बिश्वास अर प्रेम कै गेल्या सुण्या सै तू जो सिखावै सै, उसका आदर्श वाए उत्तम शिक्षा सै। **14**म्हारे भीत्तर बसण आळी पवित्र आत्मा कै जरिये तू उस कीमती धरोहर की रुखाळी कर जिस ताहीं तेरे तै सौँप्या गया सै।

15जिसा के तन्नै बेरा सै के वे सारे एशिया म्ह रहवै सैं, मेरे ताहीं छोड़ गे सैं। फुगिलुस अर हिरमुगिनेस उन्ने म्ह तै सैं। **16**उनेसिफिरुस के कुणबे पै प्रभु अनुग्रह करै। क्युँके उसने घणखरे मौक्याँ पै मेरे ताहीं सुख पहोचाया सै। तथा ओ मेरे जेळ म्ह रहण तै शर्मिन्दा नीं होया सै। **17**बल्के ओ तो जिब रोम आया था, जिब लग मेरे तै मिल नीं लिया, कोसिस तै मेरे ताहीं टोहन्दा रह्या। **18**प्रभु करै उस ताहीं, उस दिन प्रभु की ओड़ तै दया मिलै, उसनै इफिसुस म्ह मेरी कई तरियां तै जो सेवाएँ करी सै तू उन ताहीं भोत आच्छी तरियां जाणै सै।

मसीह यीशु का साच्चा सिपाही

2 **1**जड़ै लग थारी बात सै, मेरे बेट्टे, यीशु मसीह म्ह मिलण आळे अनुग्रह तै मजबूत हो जा। **2**भोत से लोग्गां की गवाही म्ह मेरे तै तन्नै जो कीमे सुण्या सै, उस ताहीं उन बिश्वास करण जोग्गा माणसां ताहीं सौँप दे जो दुसरयां ताहीं भी शिक्षा देण म्ह समर्थ हों। **3**दुःख झेलण म्ह मसीह यीशु के एक उत्तम सैनिक कै समान मेरे गेल्या आ मिल। **4**इसा कोए भी, जो सैनिक कै समान सेवा करण लागरया सै, अपणे आप ताहीं साधारण जीवन के जंजाळ म्ह नीं फँसान्दा क्युँके ओ अपणे

शासक अधिकारी तारीं खुश करण कै खात्तर कोसिस म्ह रहवै सै। **5**अर इस्से तरियां ए जै कोए किसे दौड़ मुकाबले म्ह भाग लेवै सै, तो उस तारीं विजय का मुकुट उस बख्त लग नीं मिल्दा, जिब लग के ओ नियमां का पालन करदे होए मुकाबले म्ह भाग नीं लेंदा। **6**मेहनती काम करणीया किसान ए उपज का सारया तै पहल्ला हिस्सा पाण का हक राक्खै सै। **7**में जो बताऊं सूं, उस पै बिचार कर। प्रभु तैरे तै सब कीमे समझण की क्षमता देवैगा।

8यीशु मसीह नै याद करदे रहो जो मरे होया म्ह तै दुबारा जिन्दा हो उठ्या सै अर जो दाऊद का बंशज सै। योए उस सुसमाचार का सार सै जिसका में उपदेश देऊं सूं **9**इस्से कै खात्तर में दुःख झेलण लागरया सूं। उरै लग के एक अपराधी कै समान मरै तारीं जंजीरां म्ह जुड़ दिया गया सै। किन्तु पणमेसर का बचन तो बंधन म्ह कोनी सै। **10**इस्से कारण पणमेसर के छॉटे होड़ लोगां कै खात्तर में हरेक दुःख उठान्दा रहूँ सूं ताके वे भी मसीह यीशु म्ह मिलण आळे उद्धार तारीं अनन्त महिमा कै गेल्या पा सकैं।

11यो बचन बिश्वास कै जोगा सै के:

- जै हम उसके गेल्या मरे सां, तो उससे कै गेल्या जीवांगे,
- 12** जै दुःख उठाये सैं तो उसके गेल्या शासन भी करंगे। जै हम उस तारीं छोड़ंगे, तो ओ भी म्हारै तारीं छोड़ देवैगा,
- 13** हम चाहे बिश्वास जोगे ना हों, पर ओ सदा सारीहाण बिश्वास जोगा रहवैगा क्यूँके ओ आपणा इन्कार कोनी कर सक्दा।

स्वीकार करे होड़ काम करणीयें

14लोगां तारीं इन बाततां का ध्यान दुवान्दे रहो अर पणमेसर तारीं गवाह करके उन तारीं चौक्कस करदे रहो के वे शब्दां तारीं लेके लड़ाई झगड़ा ना करै। इसे लड़ाई झगड़ायां तै कोए फैयदा नीं होंदा, बल्के इन्ने जो सुणै सैं, वे नास भी हो जावै सैं। **15**अपणे आप तारीं पणमेसर कै जरिये अपनाण जोगा बणाके एक इसे सेवक कै रूप म्ह पेस करण की कोसिस करदे रहो जिसतै किसे बात कै खात्तर शर्मिन्दा होण की जरूत ना हो। अर जो पणमेसर के सत्य बचन का सही ढंग तै इस्तेमाल करदा हो,

16अर सांसारिक रोळयां म्ह तथा खामखाँ की बाततां तै बच्या रहवै सै। क्यूँके ये बात लोगां तारीं पणमेसर तै दूर ले जावै सैं। **17**इसे लोगां की शिक्षाएँ नासूर की तरियां फैलेंगी। हुमिनयुस अर फिलेतुस इसे ए सैं। **18**जो सच्चाई के बिन्दु तै भटक गे सैं। उनका कहणा सै के पुनरुत्थान तो इब लग हो भी लिया सै। ये कुछ लोगां के बिश्वास नै नास करण लागरे सैं।

19कुछ भी हो पणमेसर नै जिस सही मजबूत नींव तारीं डाल्या सै, वा मजबूती कै गेल्या खड़ी सै। उस पै लिख्या होड़ सै, “प्रभु अपणे भगतां नै जाणै सै।” अर “ओ हरेक, जो कहवै सै के ओ प्रभु का सै, उस तारीं बुराइयां तै बचे रहणा चहिये।”

20एक बड़े घर म्ह बस सोन्ने-चाँदी के ए बासण तो नीं होवै सैं, उसम्ह लाकड़ी अर माट्टी के बासण भी होवै सैं। कुछ खास इस्तेमाल कै खात्तर होवै सैं अर कीमे साधारण इस्तेमाल कै खात्तर। **21**इस करके जै माणस अपणे आप तारीं बुराइयां तै शुद्ध कर लेवै सै तो ओ खास इस्तेमाल का बणैगा अर फेर पवित्र बण कै अपणे मालिक कै खात्तर उपयोगी सिद्ध होगा। अर किसे भी उत्तम काम कै खात्तर त्यार रहवैगा।

22जवानी की भुंडी इच्छायां तै दूर रहो धार्मिक जीवन, बिश्वास, प्रेम अर शान्ति कै खात्तर उन सारया कै गेल्या जो शुद्ध मन तै प्रभु का नाम पुकारै सैं, कोसिस म्ह रहो। **23**बेअक्ली तै भरे, बेकार के तर्क-वितर्का तै सदा बचे रहो। क्यूँके थम जाणो ए सो के इन तै रोळे पैदा होवै सैं। **24**अर प्रभु के सेवक नै तो झगड़णा ए नीं चहिये। उसनै तो सारया पै दया करणी चहिये। उसनै शिक्षा देण म्ह योग्य होणा चहिये। उसनै सहनशील होणा चहिये। **25**उसनै अपणे बिरोधियां नै भी इस आस कै गेल्या के पणमेसर उन तारीं भी मन पलटण करण की शक्ति देवैगा, विनम्रता कै गेल्या समझाणा चहिये। ताके उन तारीं भी सत्य का ज्ञान हो जावै **26**अर वे चौकन्ने होके शैतान के उस फंदे तै बच लिक्ड़ें जिसम्ह शैतान नै उन तारीं जुड़ राख्या सै ताके वे पणमेसर की मर्जी कै मुताबिक चाल सकैं।

आखरले दिनां म्ह

3 **1**याद राक्खो आखरले दिनां म्ह म्हारै पै भोत भूंडा टेम आवैगा। **2**लोग स्वार्थी, लालची, घमण्डी, ऊत, पणमेसर की बुराई करण आळे, माँ-बाप की नीं मानण आळे, निर्दयी, अपवित्र **3**बिना प्रेम आळे, माफ़ ना करण आळे, निन्दक, असंयमी, बर्बर, जो कीमे आच्छा सै उसके बिरोधी,

4बिश्वासघाती, अविवेकी, अहंकारी अर पणमेसर-प्रेमी होण की बजाए सुखवादी हो जावेंगे। 5वे धर्म के दिखावटी भेष तो धरेंगे किन्तु उसकी भीतरली शक्ति नै कोनी मानैंगें। उनतै सदा दूर रहियो।

6क्यूँके इनम्ह तै कीमे इसे सैं जो घरां म्ह बड़कै पापी, कमजोर इच्छा शक्ति की पाप आळी हरेक ढाळ की इच्छायां तै चाल्लण आळी लुगाइयां नै बस म्ह कर लेवें सैं। 7ये लुगाईं सिखण की कोसिस तो सदा करदी रहवै सैं, किन्तु सत्य के सारे ज्ञान लग वे कदे भी कोनी पहाच पांदी। 8यन्नेस अर यम्ब्रेस नै जिस तरियां तै मूसा का बिरोध करया था, उससे तरियां ए ये लोग सत्य के बिरोधी सैं। इन लोग्गां की बुद्धि भ्रष्ट सै अर बिश्वास का अनुसरण करण म्ह ये फैल सैं। 9किन्तु ये और घणा आगै नीं बड़ पावेंगे क्यूँके जिस तरियां तै यन्नेस अर यम्ब्रेस की बेअक्ली प्रगत हो गी थी, उससे तरियां ए इनकी बेअक्ली भी सारया कै श्यामी उजागर हो जावैगी।

आखरला आदेश

10कुछ भी हो, तन्नै मेरी शिक्षा का पालन करया सै। मेरे जीवन जीण के ढंग, मेरे जीवन के मकसद, मेरे बिश्वास, मेरी सहनशीलता, मेरे प्रेम, मेरे धीरज 11मेरी उन दुखाँ अर पीड़ायां म्ह मेरा साथ दिया सै थम तो जाणो ए सो के अन्ताकिया, इकुनियुम अर लुस्त्रा म्ह मेरे ताहीं कितनी भयानक यातनाएँ दी गयी थीं जिन ताहीं मनै सहण करया था। किन्तु प्रभु नै उन सारया तै मेरी रुखाळ करी। 12असलियत म्ह पणमेसर की सेवा म्ह जो नेक्की कै गेल्या जीणा चाहवै सैं, सताये ए जावेंगे। 13किन्तु पापी अर ठग दुसरयां नै छळदे होए खुद छळे जान्दे होए भुण्डे तै भुण्डे होंदे चाल्ले जावेंगे।

14किन्तु थमनै जिन बात्तां ताहीं सिख्या अर माणया सै। उन ताहीं करदे जाओ। थम जाणो सो के उन बात्तां ताहीं थमनै किनतै सिख्या सै। 15अर तन्नै बेरा सै के तू बचपन तै ए पवित्र शास्त्रां नै भी जाणे सै। वे तन्नै उस विवेक नै दे सकै सैं जिस तै मसीह यीशु म्ह बिश्वास कै जरिये छुटकारा मिल सकै सै। 16साब्ता पवित्र शास्त्र पणमेसर की प्रेरणा तै रच्या गया सै। यो लोग्गां नै सत्य की शिक्षा देण, उन ताहीं सुधारण, उन ताहीं उनकी बुराइयां दर्शाण अर धार्मिक जीवन के प्रशिक्षण म्ह उपयोगी सै। 17जिसतै पणमेसर का हरेक सेवक शास्त्रां का

इस्तेमाल करदे होए हरेक ढाळ के उत्तम काम्मां नै करण कै खात्तर समर्थ अर साधन सम्पन्न होगा।

4 1पणमेसर नै गवाह करकै अर मसीह यीशु नै आपणा गवाह बणाकै जो सारे जिन्दयां अर जो मर लिये सैं, उनका न्याय करण आळा सै, अर क्यूँके उसका दुबारा आगमन तथा उसका राज्य लवै सै, मैं तन्नै सूह देकै आदेश देऊँ सूं: 2सुसमाचार का प्रचार कर। चाहे तन्नै सुविधा हो चाहे असुविधा, आपणा फर्ज करण नै त्यार रह। लोग्गां नै के करणा चहिये, उन ताहीं समझा। जब वे कोए भूंडा काम करैं, उन ताहीं चेतावनी दे। लोग्गां ताहीं धीरज कै गेल्या समझान्दे होए हौसला दुवा।

3मैं न्यू इस करकै बताण लागरया सूं के एक बख्त इसा आवैगा जब लोग उत्तम उपदेश ताहीं सुनणा लग नीं चाहवेंगे। वे आपणी इच्छायां कै मुताबिक अपणे खात्तर भोतसे गुरु कट्टे कर लेवेंगे, जो वैए सुणावेंगे जो वे सुनणा चाहवें सैं। 4वे अपणे कानां नै सत्य तै फेर लेवेंगे अर मन गढण आळी कथायां पै ध्यान देण लागैगे। 5किन्तु तू पक्के इरादे कै गेल हरेक हालत म्ह अपणे पै काब्बू राख, यातनाएँ झेल अर सुसमाचार के प्रचार का काम कर। जो सेवा तैरे ताहीं सौंपी गयी सै, उस ताहीं पूरा कर।

6जडै लग मेरी बात सै, मैं तो इब अर्ध के समान उँडेला जाण पै सूं। अर मेरा तो इस जीवन तै विदा लेण का बख्त भी आण पहाच्या सै। 7मैं उत्तम मुकाबले म्ह लाग्या रहूँ सूं। मैं आपणी दौड़, दौड़ चुक्या सूं। मनै बिश्वास के पंथ की रुखाळ करी सै। 8इब विजय मुकुट मेरी बाट म्ह सै। जो धार्मिक जीवन कै खात्तर मिलणा सै। उस दिन न्याय करण आळा प्रभु मनै विजय मुकुट पिरावैगा। ना सिर्फ मेरे ताहीं, बल्के उन सारया ताहीं जो प्रेम कै गेल्या उसकै प्रगत होण की बाट देख्दे रहवै सैं।

निजी संदेशा

9मेरे तै जितना तावळा हो सकै, मिलण आण की पूरी कोसिस कर। 10क्यूँके इस जगत म्ह मोह म्ह पड़कै देमास नै मेरे ताहीं त्याग दिया सै अर ओ थिस्लुनिके नै चल्या गया सै। क्रेस कैन्स गलातिया ताहीं तथा तीतुस दलमतिया नै चल्या गया सै। 11सिर्फ लूका ए मेरे धोरे सै। मरकुस कै धोरे जाणा अर जब तू आवै, उस ताहीं अपणे गेल्या ले आणा क्यूँके मेरे

